



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-127-3/23**

Datum: 20.06.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica „Rudnici gipsa“ d.d. Donji Vakuf, za izdavanje vodne suglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine gipsa sa PK „Elezovac“ Donji Vakuf, na osnovu člana 114., a u vezi sa članom 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj suglasnosti**

1. Investitoru „Rudnici gipsa“ d.d. Donji Vakuf daje se vodna suglasnost na projektnu dokumentaciju, za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine gipsa sa PK „Elezovac“ Donji Vakuf, a u skladu sa projektnom dokumentacijom:

- Projektna dokumentacija za izdavanje vodne suglasnosti za eksploataciju gipsa na PK „ELEZOVAC“ urađen od strane „STRUKTURA“ d.o.o. Jajce, iz 3/ 2021. godine.

Ova vodna suglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Ova vodna suglasnost ne oslobađa podnosioca zahtjeva obaveze pribavljanja vodne suglasnosti za korištenje vode i ispuštanje sanitarnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Srednjobosanskog kantona/Kanton Središnja Bosna, u skladu sa članom 139. stav 2. tačka 1. i 2. Zakona o vodama kao i suglasnosti i dozvola od strane drugih nadležnih organa u skladu sa drugim Zakonima.

3. Vodna suglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

4. Vodna suglasnost se daje pod slijedećim uvjetima:

4.1. Radove na izgradnji objekata za prikupljanje, odvođenje i tretman oborinskih, onečišćenih voda sa radnih, saobraćajnih i pripadajućih manipulativnih površina izvesti u skladu sa projektnom dokumentacijom iz tačke 1. dispozitiva ovog Rješenja.

4.2. Nakon izvođenja radova sistema odvodnje i pročišćavanja oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i sigurnost od curenja, a u cilju zaštite površinskih i podzemnih voda.

4.3. Način ugradnje separatora i stavljanje istog u pogon uskladiti sa proizvođačem opreme.

4.4. Od isporučitelja separatora pribaviti garanciju da će parametri kvaliteta pročišćenih oborinskih voda biti u granicama propisanih vrijednosti, definiranih u važećoj Uredbi o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).

4.5. Da se nakon predviđenih uređaja za tretman otpadnih voda, a prije njihovog upuštanja u vodotok izvrši ugradnja revizionih šahtova na svim ispustima, a u svrhu praćenja kvaliteta efluenta (monitoring).

4.6. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.

4.7. Površinu na kojoj će se odvijati pretakanje ulja, masti i nafte neophodno je izgraditi otpornu na djelovanje naftnih derivata s reguliranom odvodnjom prema separatoru ulja i masti.

4.8. Manipulativnu i parking površinu potrebno je izvesti sa odgovarajućim nagibima i pripadajućim slivnicima.

4.9. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.

4.10. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

4.11. Predvidjeti da se sav nastali otpad (emulzionih ulja, starih filtera, zauljenih krpa i dr.) prikuplja u skladu sa važećim propisima o postupanju sa otpadom.

5. Investitor je obavezan pridržavati se svih mjera i uvjeta, propisanih u ovoj vodnoj suglasnosti i suglasnostima izdanim od strane drugih nadležnih organa.

6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne suglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).

8. Ova vodna suglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

9. Ovo rješenje o vodnoj suglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentirani zahtjev za izmjenu ovog vodnog akta.

O b r a z l o ž e n j e

Pravno lice „Rudnici gipsa“ d.d. Donji Vakuf, zatražio je izdavanje vodne suglasnosti na projektну dokumentaciju za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine gipsa sa PK „Elezovac“ Donji Vakuf.

U provedenom postupku, uz zahtjev za izdavanje vodne suglasnosti dostavljena je slijedeća dokumentacija:

- Aktuelni izvod iz sudskog registra, broj:051-0-RegZ-22-001208 od 25.08.2022. godine izdat od strane Općinskog suda u Travniku – kopija,
- Uvjerenje o registraciji/upisu u Jedinstveni registar obveznika indirektnih poreza br, 04/1-17-1UPJR/1-1783-1/15 od 18.03.2015.god., izdano od Uprave za indirektno oporezivanje Banja Luka,
- Uvjerenje o poreznoj registraciji od 07.03.2014., izdano od Kantonalnog poreznog ureda Novi Travnik,
- Odobrenje za upotrebu i korištenje rudarskih objekata, postrojenja i uređaja na površinskom kopu Elezovac za eksploatacije gipsa, broj:05-04-1615/21 od 03.09.2021. godine izdano od strane Ministarstva gospodarstva Kantona Središnja Bosna,
- Rješenje o prethodnoj vodnoj suglasnosti, broj:UP-I/25-1-40-374-3/20 od 22.10.2020. godine izdano od strane Agencije za vodno područje rijeke Save, Sarajevo – kopija,
- Rješenje o okolinskoj dozvoli broj: UP-I-05/2-02-19-5-113/20 od 11.08.2021. godine izdano od strane Federalnog ministarstva okoliša i turizma – kopija,

- Izvod iz prostorno planske dokumentacije o usklađenosti sa aktivnostima na PK Elezovac-Donji Vakuf br.05-19-01372/20 od 12.08.2020.god., izdano od službe za prostorno uređenje, katastar i imovinsko pravne poslove općine Donji Vakuf,
- Projektna dokumentacija za izdavanje vodne suglasnosti za eksploataciju gipsa na PK „ELEZOVAC“ urađen od strane „STRUKTURA“ d.o.o. Jajce, iz 3/ 2021. godine,
- Ugovor o koncesiji za istraživanje i eksploataciju rude gipsa na lokalitetu Elezovac, Donji Vakuf-Uskoplje potpisan sa Ministarstvom gospodarstva Travnik-Županija Središnja Bosna broj: 05-14-511483/2022-1 od 05.01.2023. godine – kopija,
- Punomoć podnosioca zahtjeva broj: IV-177/23 od 24.03.2023. godine,
- Dokaz o uplaćenju upravnoj pristojbi

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari

U provedenom postupku konstatovano je sljedeće:

Pri površinskom kopu, obzirom na proces rada i radne aktivnosti koje se odvijaju na lokalitetu, a na osnovu Glavnog projekta eksploatacije, nastajati će sljedeće vrste otpadnih voda i drugog otpada:

- površinske (zamuljene) vode sa etaža površinskog kopa i odlagališta jalovine,
- onečišćene (zauljene) vode koje se stvaraju u kontaktu sa površinama manipulativnog platoa,
- sanitarno-fekalne otpadne vode;
- kruti i drugi otpad.

Na površinskom kopu „Elezovac“, na eksploatacionim poljima „Elezovac I“ i „Elezovac II“ predviđa se prihvaćanje oborinskih voda sa navedenim talogom u zaštitne obodne kanale i etažne kanale, te odvođenje istih prema nižim zonama, tj. krajnjem recipijentu. Planira se zamuljene površinske vode sa površinskog kopa obodnim kanalom dovesti do taložnika u kome će se izdvajati (taložiti) suspendirane materije.

Zamuljene oborinske vode se na taj način zadržavaju u eksploatacionom prostoru sa kojeg je onemogućeno površinsko oticanje. Ove vode se djelomično infiltriraju, jednim dijelom ispare sa površinskog kopa ili se sistemom crpki koriste za polijevanje (skidanje prašine) internih prometnica, radnih površina i rudarske mehanizacije.

Potrebno je uraditi zaštitne obodne kanale kojima će se spriječiti doticanje površinskih voda od padavina sa gravitirajućih slivnih površina na eksploataciono polje.

Zauljene otpadne vode se mogu javiti kod opsluživanja mehanizacije (bagera, kamiona i sl.) gorivom, uljem, mazivom i sl. U sklopu PK „Elezovac“ potrebno je izgraditi vodonepropusni manipulativni plato gdje će se vršiti opsluživanje mehanizacije. Na osnovu Glavnog projekta lokalitet manipulativnog platoa biti će izgrađen na dijelu površinskog kopa „Elezovac I“.

Zauljene vode nastaju uslijed padavina na manipulativnom prostoru izgrađenom od vodonepropusnog materijala i sapiranja istog. Ove vode opterećene su muljem, mastima i uljem te mogu zagaditi okoliš, posebno površinske i podzemne vode i tlo. Za sprječavanje tog zagađenja potrebno je instalirati separator za odvajanje masti i ulja. U sklopu tipskog separatora nalazi se taložnica gdje se vrši taloženje krupnijih čestica.

Uzevši u obzir da na lokalitetu PK „Elezovac“ nema uspostavljena kanalizacione mreže i broj radnika koji će se zadržavati na tom prostoru, usvojeno je rješenje zbrinjavanja sanitarno-fekalnih voda u vodonepropusnu septičku jamu bez preliva. Za čišćenje i odvoz sadržaja septičke jame potrebno je angažirati ovlašteno komunalno poduzeće.

Na prostoru eksploatacionog polja mogu nastati sljedeće vrste otpada: miješani komunalni otpad koji generiraju radnici, ambalažni otpad, jalovina, te muljevi iz septičke jame i separatora ulja i masti. Količine ovog otpadnog materijala su relativno male, ali zbog njegovih karakteristika i zaštite okoliša mora se zbrinjavati u skladu sa propisima o upravljanju otpadom. Najznačajniju količinu krutog otpada predstavlja jalovina koja se generiše u postupku eksploatacije. Jalovina se odlaže na deponiju jalovine koje se nalazi unutar eksploatacionog polja, a može se koristiti za potrebe nasipanja puteva ili u postupku rekultivacije.

Vode koje se javljaju na radnim etažama i odlagalištima jalovine u vrijeme padavina tokom eksploatacije, biće podvrgnute tretmanu u vodosabirnicima –taložnicima, kako bi se oslobodile suspendiranih materija i takve prečišćene će se infiltrirati u podzemlje, djelomično ispariti ili koristiti za polijevanje manipulativnih površina i internih prometnica. Talog koji nastane će se odlagati na odlagalište.

Zauljene vode koje nastaju uslijed padavina ili sapiranja manipulativnog platoa prije ispuštanja u okoliš potrebno je tretirati na separatoru ulja i masti. Prečišćene vode se preko monitoring okna ispuštaju u postojeći otvoreni kanal. Za čišćenje i zbrinjavanje nastalog mulja iz separatora Investitor je dužan sklopiti ugovor sa ovlaštenim poduzećem za tu djelatnost.

Za prikupljanje sanitarno-fekalnih otpadnih voda planira se izgradnja vodonepropusne septičke jame bez preliva. Za čišćenje i pražnjenje sadržaja septičke jame Investitor je dužan sklopiti ugovor sa ovlaštenim komunalnim poduzećem.

U skladu sa legislativom iz oblasti zbrinjavanja otpada, nastali otpad na lokalitetu površinskog kopa je potrebno razvrstavati, a odvoz i zbrinjavanje povjeriti ovlaštenim poduzećima za pojedinu djelatnost. Jalovinu kao kruti otpad potrebno je deponirati na za to predviđena mjesta.

U dokaznom postupku utvrđeno je da je projektna dokumentacija urađena u skladu sa uvjetima iz Rješenja o prethodnoj vodnoj suglasnosti broj: UP-I/25-1-40-374-3/20 od 22.10.2020. godine, izdano od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na revidovanu projektnu dokumentaciju: Glavni projekat prikupljanja, prečišćavanja i ispuštanja otpadnih voda sa PK „Elezovac“ Donji Vakuf urađen od strane „STRUKTURA“ d.o.o. Jajce, iz 3/ 2021. godine. data vodna suglasnost na istu.

Na osnovu provedenog postupka, a u svrhu smanjenja negativnih uticaja predmetne aktivnosti na režim voda ili uticaja režima voda na stanovništvo, objekte, radove i okolinu, podnosiocu zahtjeva su u dispozitivu ovog rješenja, shodno odredbama člana 114. Zakona o vodama i člana 7. Pravilnika o sadržaju, obliku, uvjetima, načinu izdavanja i čuvanja vodnih akata i Uredbe o uvjetima ispuštanja otpadnih voda u okoliš i sisteme javne kanalizacije propisani uvjeti koje je Investitor dužan ispuniti.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).


Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Marko BARIĆ, dipl.inž.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- „Rudnici gipsa“ d.d. Donji Vakuf, 770 Slavne brdske brigade bb. 70220 Donji Vakuf,
- ⊖ AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo